

Namminersornerullutik Oqartussat nalunaarutaat Ilisimatusarfimmi ilinniartitsisut ilisimatuuutullu suleqataasut atorfinitssinnejartarnissat pillugu

Ilisimatusarfik pillugu Landstingip inatsisiaani nr. 3-mi majip 9-anni 1989-imeersumi § 3 nr. 1 malillugu ilinniartitsisut ilisimatuuutullu suleqataasut atorfinitssinnejartarnissaanni makku aalajangersarneqarput:

I. Atorfinitssinissamut piumasat

§ 1. Nalunaarummi uani atorfit pineqartut inuttalernissaannut piumasarineqarpoq atorfinitniartoq universitetini inerluni soraarummeersimasuussasoq imaluunniit ilinniarfimmi qaffasinnerusumi allami imaluunniit ilinniarfimmi allami taamatut nalilerneqarsinnaasumi.

Imm. 2. Kultureqarnermi atuartitsinermilu Pisortaqarfiup akuerisinnavaa qinnuteqartoq allamik tunuliaqtaqarluni pisinnaasanik piumasarineqartunik angusisimanerminut upernarsaatissalik atorfimmut pineqartumut ikkunneqarsinnaasoq.

II. Professorinik, adjunktinik/lektorinik saniatigooralugulu lektorissanik atorfinitssisarneq.

Inuttassarsiuussisarneq.

§ 2. Atorfit inuttaqanngitsut avammut nalunaarutigalugit inuttassarsiuunneqartassapput malittarisassatigut allatigut tamanna saneqquissallugu periarfissiisoqarsimanngippat, naleqq. § 14.
Imm. 2. Avammut nalunaarutigalugu atorfip inuttaqanngitsup inuttassarsiornerani isumaqatigiissutit tunngavigalugit atorfinitssinermik tunngaveqartumit allaassuteqarsinnaasut saniatigut adjunktit/lektorit pillugit isumaqatigiissut tunngavigalugu inuttassarsiuisoqassaaq. Tamatumunnga ilanngullugu atorfip suliassartaata suunera atorfinitssinniakkallu sunik angusaqarsimanissaanik piumasat upernarsaatitaqartussaanerat ilanngullugu nalunaarutigineqassapput. Aammal ualunaarutigisami ilanngunneqassaaq qinnuteqartunik naliliisussat oqaaseqaataat tamakkerluni qinnuteqartunut tamanut nassiinneqarumaartoq.

Ataatsimiititaliat naliliisussat.

§ 3. Qinnuteqarfissamut piffissarititaq naagaangat immikkut paasisimasalinnik ataatsimiititaliorqartassaaq (ataatsimiit&liat naliliisussat) qinnuteqartut qanoq piukkunnaateqartignerannik naliliisussanik. Ilaasortaasa arlaat aamma erniinnaq siulittaasussatut toqqarneqassaaq.
Imm. 2. Naliliisussatut ataatsimiititaliat pingasuniit tallimanut ilaasortaqassapput, taakkunangalu immikkut ittunik pissutissaqavitsinnani ikinnerpaamik ataaseq Ilisimatusarfip ilaani atorfinitssusami

suleqataasuuussaaq. Paasisimasalittut ataatsimiititaliat allartik ilaqaratik sulissapput.

Imm. 3. Naliliisussatut ataatsimiititaliani kinaluunniit kinaassusersiorsinnaasutut pasinaateqarsinnaanera tunngavissaqarsorinartoq ilaasortaasinnaanngilaq.

Imm. 4. Professorimik atorfinititsiniarluni ataatsimiititalianut naliliisussanut taamaallaat professorit imaluunniit ilisimasassatigut professorinut nallersuunneqarsinnaasut ilaasortaasinnaapput. Professori kingoraarneqartussaq ataatsimiititaliap ilaasortaasa paasisimasaqartuunissaannik piumasaq allanik periarfissiinngippat aatsaat ataatsimiititaliani naliliisussani ilaasortaasinnaavoq.

Imm. 5. Adjunktissanik lektorissanik saniatigooraluguluunniit lektorissanik atorfinititsiniarnermi ataatsimiititaliani naliliisussani taamaallaat professorit lektorilluunniit, imaluunniit ilisimasassatigut taakkununnga nallersuunneqarsinnaasut ilaasortaasinnaapput.

Imm. 6. Ataatsimiititaliat naliliisussat kikkunnik ilaasortaqaarnissaannik isummernermut malitsiinnarlugu qinnuteqartut ataatsimiititaliap kikkunnik ilaasortaqaarneranik kalerrinneqassapput.

§ 4. Ataatsimiititaliat naliliisussat atulersinnerannut ilanngullugu allaatigalugu nalunaaruteqarnissaannut piffissarititaq killilerneqassaaq.

Imm. 2. Ataatsimiititaliat siulittaasuata ilaasortaqtini ataatsimiititaliat suliassaannut tunngasunik aalajangersakkanik nassuaatissavai, allatigullu pisariaqarsorisaminik ilitsersuussinnaallugit.

Imm. 3. Ataatsimiititaliat - qinnuteqaatit paasissutissallu allat misissorallarneranni - isumaqarunik inuttassarsieuqqinnermi allanik piukkunnarnerusunik qinnuteqartoqarnissaa ilimanartoq, inuttassarsieuqqinnissamik Universitetsrådimut siunnersuuteqarsinnaapput. Siunnersuutaat taamaattoq malinneqarpat nalunaarummi allassimassaaq qinnuteqareersimasut qinnuteqaataat uterteqqullugit kissaatigineqanngitsut naliliinermut ilanngunneqassasut.

Imm. 4. Ataatsimiititaliat pissutissaqartillutik aalajangersinnaavaat qinnuteqartut ilisimatuutut suliaminnik allanik naliliinermi tunngavissanut ilanngunneqartussanik nassitsisinnaasut. Taamatut pisoqartillugu piffissaq nassitsiviusinnaasoq nutaamik killilerneqassaaq, tamannalu qinnuteqartunut tamanut nalunaarutigineqassalluni.

Naliliineq.

§ 5. Naliliinermi qinnuteqartup pisinnaasai ataatsimut nalilerneqassapput ilinniartitsineranut ilisimatuutullu sulineranut takussutissat aammalu ilisimatusaatnik ilinniartitsinermillu ineriartortsisinnaanera tamaasa ilanngullugit (taakku tamarmik suliassaanut ilaappata), taamaalilluni taakkua arlaatigut annertuumik suliarisimasat arlaanni annikinnerugaluanut naammaginartunulli tapertaliunneqarsinnaasunngorlugit.

§ 6. Atorfik inuttassarsiuussaaq professorip atorfippagu ataatsimiititaliat oqaaseqaataanni tungavilersorlugu ilangunneqassaaq qinnuteqartut ataasiakkaat professorissatut piukkunnartuunersut.

Imm. 2. Atorfik inuttassarsiuussaaq adjunktip lektorilluunniit, imaluunniit saniatigooralugu lektorip, atorfissarippagu naliliisussat isumaqatigiillutik piukkunnarsorinngisatik tamatuminnga erseqqissumik oqaatigiinnarsinnaavaat piumasarisat suut amigaatigigaat nalunaarlugu. Qinnuteqartut allat pillugit tunngavilersorlugu ilangunneqassaaq qinnuteqartoq qanoq piukkunnartiginersoq.

Innersuussinissaq.

§ 7. Naliliinermi isumaqarnarpot qinnuteqartut ilaasaluunniit piumasarineqartut pisinnaagaat, ataasimiititaliat naliliisussat tamanna tunulequtaralugu tunngavilersukkamik innersuutertik allassavaat

qinnuteqartut ilaat kinarleq ataatsimut isigalugu allanit sallitillugu atorfinitssitassatut piukkunnerlugu. Innersuussilluni oqaaseqaat qinnuteqartut allakkatigut akuersiseqqaarnagit avammut saqqummiunneqassanngilaq.

Imm. 2. Atorfik inuttassarsiuussaq adjunktip lektorilluunniit atorfigippagu, atorfinitssatullu innersuussap pisinnaasai naammaginarpata - pisinnaasanik naliliisarnermut piumasarisat tunngavigalugit - ataatsimiititaliat tunngavilersoqqillugu innersuussutigisinnaavaat qinnuteqartoq piffissami sivikinnerusumi adjunktioqqaarluni immikkut nalilerneqaqqigani piffissap taasap naanerani lektoritut atorfinitssinnejassasoq.

§ 8. Naliliisussatut ataatsimiititaliat innersuussutaat tunngavissarititat malillugit inuttarsiortuunngitsunik oqaasertaqassaaq, isummernerullu tunngaviata naammaginartuunissa anguniarneqassaaq aamma Universitetsrådimi ilaasortanit immikkut paasisimasaliunngikkaluanit tunngavissatut atorneqarsinnaasunngorlugu.

Imm. 2. Ataatsimiititaliat innersuussutaat isumaqtigilliuni oqaaseqaataasinnaavoq imaluunniit amerlanerussuteqartut oqaaseqaatigisinnaavaat, ikinnerussuteqartut oqaaseqaataannik taperneqarsinnaalluni. Ataatsimiititaliat isumaqtigilliimannngippata tamanna oqaaseqaammi erseqqissumik takuneqarsinnaassaaq.

§ 9. Ataatsimiititaliat naliliisussat innersuussutertik Universitetsrådimut ingerlatissavaat. Oqaaseqaat taakkunannga naammaginartinneqaruni qinnuteqartunut nassiunneqassaaq, isumaqarfingineqarunili nalunaarummi uani piumasarisat naammassinagit suliarineqarsimasoq ataatsimiititalianut utertittariaqassaaq suliareqqeqqullugu taperneqaqqulluguluunniit. Innersuussut qinnuteqartunut nassiunneqarpat ilangullugu nalunaarfigineqassapput allat qinnuteqaataat inuttaat allakkatigut akuersiseqqaarnagit tamanut nalunaarutigisinnaanngikkaat.

Isummerneq.

§ 10. Suliassap Universitetsrådimi suliarineqarnerani ataatsimiititaliat naliliisussat siulittaasuat immaqalu aamma ilaasortaat allat qaaqquneqarsinnaapput eqqartornerani peqataaqqullugit, taaseqataasinjaatinnagilli.

§ 11. Qinnuteqartut arlaata atorfinitssinnissa aatsaat pisinnaavoq ataatsimiititaliam i naliliisussaatitami amerlanerussuteqartunit atorfinitssallugu piukkunnartutut isumaqarfingineqaruni, naleqq. § 6.

Imm. 2. Atorfinitssinissamik isummiut Universitetsrådip nalinginnaasumik amerlanerussuteqarnikkut aalajangissavaa.

Imm. 3. Universitetterådip ataatsimiititaliap innersuussutaa malinngikkuniuk aalajangikkani immikkut patsisilissavaa.

Sinniisutut inissiineq.

§ 12. Professorimut sinniisussaagallartumik imaluunniit adjunktimut, lektorimut saniatigooraluguluunniit lektorimut sinniisutut atorfinitssinissamik isummertoqarsinnaavoq nalunaarummi atorfinitssinissamut aalajangersakkat malillugit, taamatut suliassap sivisussusissaata qaammatit 12 sinnersimappagit.

Kultureqarnermi atuartitsinermilu Pisortaqarfiup immikkut pissutissaqartillugu tamatumanng immikkut ittumik pisoqarnissaa akuerisinnaavaa. Sinniisussamik atorfinitssinissaq tamatumanng sivikinneruppat Universitetsrådip aalajangersinnaavaa atuagassiatigut inuttassarsiuussisoqassanersoq, naliliisussanik ataatsimiititalior toqassanersoq, il.il.

Atorfinititsitsineq.

§ 13. Ilisimatusarfiup rektoriata nakkutigissavaa atorfinnik inuttaliineq aalajangersakkat atuuttusut malillugit pissammat.

Imm. 2. Aalajangiussaq malittarisassat atuuttut malillugit pisimasutut isigineqarpat suliap suliarineqarnerani pappiarat atorneqartut - taamaallaat qinnuteqartut ilisimatuutut suliaat ilanngunnagit - Ilisimatusarfiup rektoriata Namminersornerullutik Oqartussanut nassutissavai, taakkulu atorfinititsinissaq naammassisssavaat.

Nammineq qinikkamik atorfinititsitsineq.

§ 14. Professoritut atorfinititsitsineq immikkoruinnaq ittunik pissutissaqartilluni inuttassarsiuuteeqqaarnagu pisinnaasassaaq.

Imm. 2. Inuttassarsiuuteeqqaarnagu professorinngortoqarnissaanik siunnersuuteqartoqarpas aqqatigut taallugu siunnersuutigineqartumik, Universitetsrådip aalajangersinnaavaa ataatsimiititaliorqassasoq atorfik taanna avammut inuttassarsiuuteeqqaarnagu inuttalissallugu tunngavissaqarnersoq, imaluunniit §§ 2-13 malillugit atorfinititsisoqassanersoq naliliisussanik.

Imm. 3. Ataatsimiititaliat taamaattut pingasunik tallimanilluunniit ilaasortaqassapput § 3-mi aalajangersakkanut naapertuutumik toqqarneqartussanik.

Imm. 4. Ataatsimiititaliat innersuussutigisinhaavaat atorfik pineqartoq inuttassarsiuuteeqqaarnagu inuttalerneqarsinnaasoq atorfinititsassatut siunnersuutigineqartoq naammaginarluinnartumik piginnaaneqartutut nalilerneqarpas. Ataatsimiititaliap isumaa malillugu inuup pineqartup pisinnaasai uppernarsineqarsimasutut oqaatigineqarsinnaassapput inuup pineqartup atorfimmik taamaattumik taamatulluunniit nalilerneqarslnnaasumik assigisaanilluunniit suliaqareersimaneratigut. Innersuussut tunngavilversorsimassaaq, aamma naleqq. § 8, imm. 1.

Imm. 5. Inuttassarsiuuteeqqaarnagu atorfinititsinissaq aatsaat pisinnaavoq naliliisussatut ataatsimiititaliat innersuussubaat tamarmik isumaqatigiinneratigut suliaappat, Universitetsrådimilu ilaasortat taaseqataasinnaasut minnerpaamik 2/3-iisa taasinikkut akuerippassuk.

Lektorissatut naliligaaneq.

§ 15. Qanoq adjunkti malittarisat atuuttut malillugit lektoritut atorfinitinsinneqarnissaminut piukkunnartiginersoq aalajangerniarlugu Universitetsrådip ataatsimiititaliat naliliisussat paasisimasaqartunik inuttallit pilersissavai pingasunik ilaasortaqartussat. Aalajangersakkat § 3-mi imm. 1-, 3-, 5-, 6-imilu ittut, § 4-mi imm. 1-imiittut, § 5-imiittut § 8-miittullu aamma tassani atorneqassapput.

Imm. 2. Ataatsimiititaliat naliliisussat oqaaseqaataata piukkussineq imarippagu Universitetsrådip innersuussutigissavaa inuk pineqartoq lektoritut atorfinitinsinneqaqquullugu. Oqaaseqaat ataatsimiititalianut itisilerneqaqquullugu erseqqissarneqaqquulluguluunniit utertinnejqarsinnaavoq.

Imm. 3. Ilisimatusarfiup rektoriata suliassaq Namminersornerullutik Oqartussanut ingerlateqqissavaa malittarisassat § 13-imiittut malillugit.

III. Saniatigooralugu ilinniartitsiusstanik (undervisningsassistentissanik atorfinititsisarneq).

§ 16. Saniatigooralugu ilinniartitsisunik (undervisningsassistentinik) pineqarpas inuit nalunaaqutap akunnikkuutaartumik ilinniartitsisutut akissarsiaqartinneqartut namminerlu ingerlassaminnik

ilinniagassanik aalajangersimasunik ilinniartitsisuuusut.

§ 17. Atorfuit inuttaligassat avammut allagarsiinikkut inuttassarsiuunneqassapput. Taamatut inuttassarsiuussineq pinngitsoorneqarsinnaavoq semesterimi ataatsimi tiimit killeqartut pineqarpata.

Imm. 2. Avammut inuttasnarsiuussinermi pisinnaasassatut piumasarineqartut nalunaarrteqassapput, aammalu atuartitsissutissap suunera sammivialu, immaqalu tiimit amerlassusissaat, atuartitassat amerlassusiat, kiisalu atorfissap aallartiffissa killissaalu ilanngunneqassapput. Aammattaaq inuttassarsiuussinermi ilinniartitsinermi akissarsiassat annertussusissaat ilanngunneqassaaq.

Imm. 3. Ajornartinnagu avammut inuttassarsiuussinissaq sioqqutsisumik tusarliunneqassaaq semesteri naatinnagu, semesterip tullissap aallartinnginnerani atorfinititsinissaq siunertaralugu.

§ 18. Studienævni atorfinititsinissaq, inuup pineqartup atorfinitseqqinnissaa, soraarsitsinissarluunniit pillugu innersuussuteqartussaavog.

Imm. 2. Studienævnip innersuussiniarnera matoqqasumik ataatsimiinnermi pissaaq. Suliassanut taamaattunut tunngatillugu Studienævnimut ilaasortat avammut oqaatiginnittussaanngillat.

§ 19. Studienævnip innersuussutai rektorimut ingerlatinneqassapput, taassumalu aalajangigassartai aalajangissavai suliassartaalu Namminersornerullutik Oqartusanut nassutiissallugit, taakkua atorfinittussaq atorfinititsassarimmassuk, soraarsitassaq soraarsitassaralugu akissarsiassallu malittarisassat atuuttut tunngavigalugit aalajangissallugit.

IV. Malittarisassanit imikkoortumik aalajangiisinhaaneq atortussanngortitsinissarlu.

Immikkut ittumik akuersisinnaaneq.

§ 20. Kultureqarnermi atuartitsinermilu Pisortaqarfik nalunaarummi aalajangersakkanit allatut iliorqoqarnisaanik akuersislennaavoq tamanna pissutsinik immikkut ittunik tunngavissaqarpat.

Atulerfissaa.

§ 21. Nalunaarut una februarip aallaqqaataani 1990-imi atortuulissaaq.

Namminersornerullutik Oqartussat, ulloq 2. januar 1990

Jens Lyberth

/

Hugin S.Christiansen

Namminersorlutik Oqartussat

Imaneq 4

3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut